



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Mvndvs Et Mvndi Partes, Divinæ Bonitatis Ac Ivstitiæ
Præcones**

Stengel, Georg

Ingolstadt, 1645

§. 5. Sanctis, cælo aspecto, terram sordescere.

[urn:nbn:de:hbz:466:1-52365](#)

§. V

Sanctis, cælo aspecto, terram sordescere.

Ælian.
lib. 8.c.15.
de ani-
mal.

Hoc vtili absinthio terra sapientibus amarescit, & dulcescit cælum. Apud Indos tractus est, cui nomen *Phalacra*, quasi Latinè *Caluus*: eoque ita appellatur, quod, qui herbam in eo nascentem degustarit, & pilos & cornua amittat. Itaque elephanti nisi cogantur, non accedunt ad locum illū: immò vero prope cùm accesserint, perinde ac homines prudentissimi, ab omnilius loci gramine refugientes, pedem referrunt. Ad hunc modum, quibus terra est domicilium voluptatis, & qui delicias eius, tanquam herbas degustant, & cæsariem, & cornua, hoc est, ornamentum & robur animorum perdunt. Prudentes igitur, elephantorum ritu, quia non tam amœnitas, tanquam pestifera grama, & virulentas Circes herbas, considerant, facile hæc caduca contemnunt, animumq; ad maiora traducunt. Vident enim, fallacia esse, quæ hic blandiuntur. Experiuntur, non agitari tantum ventis aërem, fluere aquas,

volare

volare ignes, sed neque in ipsa terra solidam esse stabilitatem: cælum solum & cælestia perennare. Quamobrem, de S. N. Ignatio authoritatem illius hæc scribit: *Audimus sapè illum, extrema etiam senectute, cùm in cælum, quā liber circumspiculus erat, oculos sustulisset, eosq; aliquantisper fixos habuisset, obortis, prælatitia, lachrimis, dicentem: HEV QVAM SORDET TERRA, CVM CÆLV M ASPICIO!*

Sic docuit Eucherius, raptandos nos in futurorum cupiditatem, si cogitemus, QVAM FVLGEBIT MAGNIFICA PERPETVIS FORMA REBUS, CVM SIT

NVNC TAM SPECIOSA PERITVRIS? Sic monuit D. Chrysostomus, quantumuis ampla & splendida regū palatia auro multo & gemmis fulgentia, nihil à ludicris puerorum ædificijs, à nidis ex luto festucisque compactis, à formicarum operibus differre censenda, si cælum suspexerimus. Sic jubet S. Ephrem nos inter terram ac cælum instituere comparationem, & cognoscere, quām omnia, in terris, tandem cadant, sicut frumentum, quod, suo tempore maturum metitur; in cælo autem, & sol, & luna, & omnes astrorum chori, à primo creationis suæ die, lumen incorru-

ptum

Petr. Ri-
bad. lib. 1.
c. 2. vitæ.

Eucher.
in paræn.
ad Vale-
rianum.

S. Chry-
soft. serm.
2. ad Co-
loss. &
serm. 15.
in 1. ad
Timoth.
& hom.
de vanit.
vitæ.

ptum seruent, quo ipso quandam illius
S. Am-
bros. l. I.
Hexaēm.
cap. I.
regionis indicant perpetuitatem. Sic D.
Ambrosius, magnitudine & pulchritudine
Solis perpensa, digito monstrari scribit, ex
ipsa siderum formositate, magnitudine,
duratione, Conditoris pulchritudinem,
immensitatem, & æternitatem, cuius cre-
atæ venustati, ac moli, & æuo incompa-
rabiliter anteponendam. Si enim, quæ fixa
sunt & stabilia, caducis; si magna paruis,
si vera vanis, si fugitiuis æterna bona cen-
sentur meliora, quām facile est, inter hæc
inferiora, & illa superiora discernere? in-
ter lutum & aurum, inter vitra & gemmas
facere electionem?

§. VI.

Caduca, in mundo omnia, cælo perdurante.

Blandiuntur flores? nullus ultra men-
sem suum perdurat. Arrident siluae? exci-
duntur, aut ventis sternuntur, aut con-
flagrant, aut senio arescant. Allicit elegans
vultus? Nihil formâ fugacius, adeò ut
Phauo-
rin. apud
Stobæum
Serm. 66.
Phauorinus pronunciet: post paucos an-
nos, in viuente etiamnū Alcibiade, quon-
dam pulcherrimo, ab ijs ipsis, qui eius for-
mam demirati alias fuerant, Alcibiadem
quæsitum fuisse. Virent prata? flauescunt
arua?